

Dilematë pisajka

Napiszë, Tómkù, tak nié do smiéchù
Cobë nie ba ò czim to wiedzec
Òstaw ne miónczi rimów a ritmów -
Kò tak prôwdzëwi czënią pòecë..

Richtich pòeta sadnie nad kòrtką
I tak ùleje mù sã na papiór
Jak czej za wiele dzeckò wëpije
A drzistnie narôz. Tak wez to zapisz...

I czim mni szpôsu a mni pòrządkù
Tim barzi kùsznie ce sostra Wena
Piszë ò niczim a ò nikògùm
Dzëwie sã jak zelonymù celã...

Mùszisz przeżëwac, mùszisz sã jiscëc
Wskôzëwac pòlcã, cerpiec za drëdzich
Tedë sã tim wërzëgac przed swiatã
A niech to grzeje wseczëców òdżin

A nie ùżëwôj tëch trudnëch słowów,
Bò nie mdą czëtac ce lëdze naszi
Jesz nick ò Bògù, a nick ò seksu
Nick ò ti partii, nick ò parafii

Nòlepi, Tómkù, dój sobie pòkù.
Wez sã za jaką jiną robòtã!
A jò jem grzeczny, jò sã czerëjã
I prawie kùńczã czechlanié wrëka...

Tómk Fópka, Chwaszczëno, 28 stëcznika 2026 rokù, gòdz. 1.45 d.p.